



Kiolezo Kimoja Tu Kisicho na Kosa

Maana Kristo naye aliteswa kwa ajili yenu, akawaachia kielelezo, mfuate nyayo zake.—1 Petro 2:21.

Kristo anataka vyote. Kama atataka pungufu, kafara Yake ilikuwa na nzuri mno, kuu sana kiasi cha kutuleta katika kiwango hicho... “Bali mgeuzwe kwa kufanywa upya nia zenu.” Hii ni njia ya kujikana nafsi. Na pale mnapodhani kuwa njia ni ya shida sana, kwamba kuna kujikana nafsi kuliko kiasi katika njia hii nyembamba; mnaposema, ni vigumu sana kuacha yote, jiulizeni wenyewe swali hili, Kristo aliacha nini kwa ajili yangu? Kwa sababu swali hili litazima chochote tuwezacho kukiita kujikana nafsi.

Mtazameni katika bustani akitokwa na jasho la matone makubwa ya damu. Malaika peke yake anatumwa kutoka mbinguni ili kumtia nguvu Mwana wa Mungu. Mfuateni katika njia Yake ya kwenda kwenye jumba la hukumu, huku akidhihakiwa, akibezwa na kutukanwa na umati huo wenye hasira. Mtazame akiwa amevaa vazi hilo kuu kuu la kifalme la zambarau. Sikia mzaha ulio duni na dhahaka za kikatili. Waone wakiweka juu ya paji la uso huo taji ya miiba, na kisha kumpiga kwa mwanzi, na kusababisha miiba kupenya kipajini mwake; na damu kuchuruzika kwenye paji la uso mtakatifu. Sikia umati huo wa wauaji ukililia kwa shauku damu ya Mwana wa Mungu. Anawekwa mikononi mwao, nao wanampeleka mteswa huyu aliye mwungwana, akiwa amepauka, dhaifu, anayezimia hadi kusulubishwa Kwake. Bwana Yesu anawambwa kwenye msalaba, misumari ikipigiliwa kupitia mikono na miguu Yake laini.

Mtazame akiwa amening’inia msalabani saa zile za kuogofya za maumivu kiasi cha malaika kuficha nyuso zao kutokana na tukio hili la kutisha, nalo jua linaficha nuru yake, likikataa kuangaza. Fikiria juu ya vitu hivi, kisha uulize, Njia ni ya shida sana?...

Ni fursa yenye baraka kutoa yote kwa Kristo. Usitazame maisha ya wengine na kuwaiga na kushindwa kuinuka juu zaidi. Una Kiolezo kimoja tu cha kweli, kisicho na kosa. Ni salama kumfuata Yesu pekee...

Kadiri unavyoyatazama Maandiko mara kwa mara, ndivyo uzuri wake unavyozidi kuonekana, na ndivyo kuvutiwa kwako kwa usomaji wa vitu hafifu kutakavyozidi kupungua. Usomaji wa kila siku wa Maandiko utakuwa na mguso unaotakasa akilini. Utapumua angahewa ya mbinguni. Hebu funga juzuu hii ya thamani moyoni mwako. Itakuthibitishia kuwa ni rafiki na mwongozo katika fadhaa.

Umekuwa na vitu vinavyoonekana maishani mwako, ona jinsi ambavyo umefanya kwa kustahimili sana, kwa kudumu ili uvipate! Umepiga hesabu na kupanga hadi pale matarajio yako yalipofikiwa. Kipo kitu sasa mbele yako kistahilicho jitihada inayodumu, isiyochoka, ya maisha yote. Hicho ni wokovu wa nafsi yako – uzima wa milele. Hili linahitaji kujikana nafsi, kafara na mafunzo ya kina...

Ni jambo zuri sana kuwa mtoto wa Mungu, na mrithi mwenza pamoja na Kristo (Testimonies For The Church 1:240-243).